

Objektyp: **Advertising**

Zeitschrift: **Nebelspalter : das Humor- und Satire-Magazin**

Band (Jahr): **75 (1949)**

Heft 36

PDF erstellt am: **27.05.2024**

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern. Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden. Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

Wenn ein es Güegi schticht

Es Gsätzli Bärndütsch


Zwo alti Fraue hei sech ame heisse Summertag uf d Reis gmacht ame schtille Näbenusörtli zue, wo iri Chind denzumal hei Schuel gha. I bi d Mueter gsi vo der Tochter und di ander d Mama vom Suun, vom Leerer. Es isch geng schön, in e riiche Summersäge use z fahre, die beide Fraue hei das gnosse. Si hei sech aber o uf ds Ziil gfreut. Wo ds Auto faarplanmäßig bim Schuelhuus haltet, isch ds Annelisi grad uf de Terrasse usse am Meyezüg zbschütte. «Wo isch der Handsruedi?» fragt d Mama enanderna. Si het Päch, die Armi. Ire Suun isch furt, über Land, und chunt ersch am Abe schpäät ume. D Mama het sech tapfer gschtellet, si het nit vil Wort drüber verlore. Es isch o waar, das isch halt mängisch ds Änd vom Lied vore Überraschig.

Ds Annelisi isch du hü hüp mit is düre Schuelhuusgang düre der Wonig zue für nis schnäll es Gaffeli zmache. Es isch mit der Mama vorusgange – die Zwöi hei geng eso es Wäse zsäme – und i bi hinedry zottlet. Das isch nid e Gang wi bi üs. Am hölzige Bode gif es Bärg und Täler, und die gwyssgete Wänd si hertermee fyschtergrau. Uf ds Mal fällt mir a der Wand rächts i kurioser Höchi e schöne neue Garderobehalter uf. Was söll dä Nagel dert aliinige u derewäg höch obe? I weiß es no zur Schtund nid, i has derna du geng vergässe zfrage. I bi devor blybe schtaa, ha bäumelet u d Aermligschtreckt, aber nüt isch. Du chunnt mi du es Güegi a. I zee mit Huet ab, e gäbige Schwung, u dobe isch er. Dert isch er emel vorderhand guet versorget, dert tuet iim niemer nüt.

Mir hei du zäme ganz e schöne Tag gha, we scho d Hauptpärson gfäält het für zum Rächte zuege. Mir hei ufem herrleche Läubli usse Znüni gno u ds Mittag gno u Zvieri gno u hei d Ussicht biwunderet u hei brichtet u mängisch glost. Einisch isch ds Annelisi mit der Mama i Garten abe. Mi het das nideso intressiert. I bi dobe blibe u ha im Roorläänschtuel es Nückli gno. Es isch eis-zwei-drü Abe worde u mi het scho vo wytem ds Poschtauto ghört. Da bini eiswägs ufgschtande. I la nid gärn öpper warte uf mi. Wo ds Auto isch da gsy, bini afe ygschtige. Aber di andere sy nid cho u nid cho. Mir hei gewartet u wartet. Der Schofför het gschampfet u gschampfet u het e füürzüntröote Chopf übercho. Ändlech chöme si derhär, die Zwoo. Si hei o züntröti Gsichter, u d Mama het mit dem Nastüechli



Knorr entwirft neue Buchumschläge



d Auge gwünscht. «I bi emel am Schärme», hani dänkt u ha mi gemeint. Wo mir aber di Zwo im Auto erblicke, hei si beidi luut uf brüelt, u ds Annelisi het mir nid grad eererbietig der Huet ab em Chopf grisse u het ne zärtlech der Mama ufgesetzt. Die het gseit: «Das isch jitz doch afe shtark!» U ds Annelisi het gwätteret. «Üs das anezmache, üs derewäg mache z sueche. Da leisch Du mir nüt dir nüt ander Lüt Hüet uf. Hesch Du de kener Auge?» «I weiß sälber nid, wi das het chönne cho. Es isch

halt nume ei Huet ir Garderobe ghanget u da het es du dänkt nid vil zbrichte ggä. I ha pressiert u nid lang gluegt. I gsee jitz scho, daß dis der vil schöner Huet isch.» «Aber wo isch de Dyne, wo?» het s Annelisi welle wüsse. «Das weiß ig o nid, i hane emel nid ggässe» han i no zrückgrüeft. Zu mee hets nid glängt, ds Auto isch scho am Faare gsi. I weiß nüm, wenn mir du dä Nagel im Gang wider isch i Sinn cho. Müetti.

Zeuhauskeller
Paradeplatz Zürich Walter König
Hans Ernst Waldmanns Arsenal
jetzt Grossrestaurant Zeuhauskeller

BAR
Cocktail-Lounge

Merke dir den einen Satz:
Gesund und jung durch BAD RAGAZ!
Verkehrsbureau Bad Ragaz Telefon 81204